

四庫全書

集部

欽定四庫全書

御定全唐詩卷一百五十八

張巡

張巡蒲州河東人開元末舉進士第三以書判拔萃入  
等天寶中為真源令祿山之亂巡起兵討賊後至睢陽  
與太守許遠嬰城固守經年乏食城陷死之巡博通羣  
書為文操紙筆立就有謝金吾表云想峨眉之碧峰豫  
遊西蜀追綠耳於懸圃保壽南山臣被圍四十七日凡

一千八百餘戰當臣効命之時是賊滅亡之日文辭悲壯讀者哀之詩二首

聞笛

宓堯試一臨虜騎附

一作附

城陰不辨風塵色安知天地

心營

一作門

開邊月近戰苦陣雲深旦夕更樓上遙聞橫

笛音

一作吟

守睢陽作

接戰春來苦孤城日漸危合圍倂月暈分守若

一作効

魚

麗屢厭黃塵起時將白羽揮裹瘡猶出陣飲血更登陴  
忠信應難敵堅貞諒不移無人報天子心計欲何施

張抃

張抃滑人與張巡固守睢陽城陷死難者三十六人抃  
其一也宋汪應辰作廟記云初顯於湖湘間後及江右  
至玉山皆祀之碑載詩一首

題衡陽泗州寺

一水悠悠百粵通片帆無柰信秋風幾層峽浪寒春月

盡日江天雨打篷  
漂泊漸搖青草外  
鄉關誰念雪園東  
未知今夜依何處  
一點漁燈出葦叢

賀蘭進明

賀蘭進明開元十六年登進士第祿山亂以御史大夫  
為節度使守臨淮張巡被圍睢陽遣南霽雲乞師進明  
嫉巡聲威不應巡遂陷沒肅宗時為北海太守詣行在  
上以為南海太守攝御史大夫嶺南節度使後貶秦州  
司馬詩七首

古意二首

秦庭初指鹿羣盜滿山東忤意皆誅死所言誰肯忠武  
關猶未啓兵入望夷宮為崇非涇水人君道自窮

崇蘭生澗底香氣滿幽林采采欲為贈何人是同心日  
暮徒盈把裴回憂思深慨然紉雜佩重奏丘中琴

行路難五首

君不見巖下井百尺不及泉君不見山上苗一作蒿數寸

凌雲煙人生賦命亦如此何苦太息自憂煎但願親友

長含笑相逢不乏

一作  
莫吝

杖頭錢寒夜邀歡須秉燭豈得

一作  
不

常思花柳年

君不見門前柳榮耀暫

一作  
幾

時蕭索久君不見陌上花

狂風吹去落誰家鄰

一作  
誰

家思婦見之歎蓬首不梳心

歷亂成年夫壻長別離歲暮相逢色已

一作  
凋

換

君不見芳樹枝春花落盡蜂不窺君不見梁上泥秋風

始高燕不棲蕩子從軍事征戰娥眉嬋娟守空閨獨宿

自然堪下淚況復時聞烏夜啼

君不見雲中月暫盈還復缺君不見林下風聲遠意難  
窮親故平生或聚散歡娛未盡尊酒空歎息青青陵上  
栢歲寒能有幾人同

君不見東流水一去無窮已君不見西郊雲日夕空氣  
氤氲鴈裴回不能去一鴈悲一作驚鳴復失羣人生結交

在終始莫以一作為升沈中路分

### 閻丘曉

閻丘曉為濠州刺史祿山之亂張鎰檄之救宋州張巡



圉以後期杖死詩一首

夜渡江

舟人自相報落日下芳潭夜火連淮市春風滿客帆水

窮滄海畔路盡小山南且喜鄉園近言榮意未甘

一作能令

意味

甘

庾光先

庾光先新野人官至吏部侍郎嘗陷安祿山不受偽署

詩一首

奉和劉採訪縉雲南嶺作

百越城池枕海圻  
永嘉山水復相依  
懸蘿弱篠垂清淺  
宿雨朝暾和翠微  
鳥訝山經傳不盡  
花隨月令數仍稀  
幸陪謝客題詩句  
誰與王孫此地歸

韋丹

韋丹字文明京兆萬年人  
早孤從外祖顏真卿學擢明  
經調安遠令以讓庾兄  
入紫閣山復舉五經高第  
順宗為太子時以殿中侍御史為舍人尋拜司封郎中使新

羅故事鬻州縣官十人以便其私號私覲官丹曰使外國不足於貲宜上請安有賣官受錢奏聞帝命有司與之還為容州刺史遷河南少尹召拜諫議大夫奏劉闢當誅憲宗褒美使代李康為劔南東川節度使丹至漢中上言康守方盡力不可易乃徵還終江南西道觀察使宣宗讀元和實錄見丹政事卓然詔上丹功狀刻於碑謂宰相周墀曰丹有子否與好官乃拜其子宙為侍御史三遷度支郎中丹有詩二首

思歸寄東林澈上人 并序

澈公近以匡廬七詠見寄及吟咏之皆麗絕於文  
圃也此七詠者俾予並發歸歎之興且芳時勝侶  
卜遊於三二道人必當攀躋千仞之峰觀九江之  
派是時也飄然而去不希京口之顧默然而遊不  
假東門之送天地為一朝萬物任陶鑄夫二林翼  
翼松逕幽邃則何必措足於丹霄馳心於太古矣  
偶為思歸絕句詩一首以寄上人法友幸先達其

深趣矣

王事紛紛無暇日  
浮生冉冉只如雲  
已為平子歸休計  
五老巖前必共聞

答澈公

空山泉落松窗靜  
閒地草生春日遲  
白髮漸多身未退  
依依常在永禪師

蕭昕

蕭昕字中明梁鄱陽王七世孫居河南中博學宏詞科

調寄安尉累遷左補闕從明皇幸蜀奉冊於靈武代宗  
立進中書舍人禮部侍郎德宗朝以太子太師致仕詩  
二首

洛出書

海內昔凋瘵天綱斯淳濁龜靈啓聖圖龍馬負書出大  
哉明德盛遠矣彛倫扶地敷作乂功人免為魚恤既彰  
千國理豈止百川溢永賴至於今疇庸未云畢

臨風舒錦

麗錦足云終襜褕

一作當褕

展向風花開翻覆翠色亂動搖

紅縷散悠揚

一作颺

東文迴照灼中低垂疑步障吹起作

晴虹既與丘遲夢深知卓氏功還鄉將製服從此表亨

通

李希仲

李希仲趙郡人天寶初宰偃師范陽兵起挈家避亂入

江淮詩三首

東皇太一詞

吉日初齋戒靈巫穆上皇焚香布瑤席鳴珮奠椒漿緩  
舞花飛滿清歌水去長迴波送神曲雲雨滿瀟湘

薊北行二首

旄頭有精芒胡騎獵秋草羽檄南渡河邊庭用兵早漢  
家愛征戰宿將今已老辛苦羽林兒從戎掄關道

一身救邊速烽火通

一作連

薊門前軍飛鳥斷格鬬塵沙

昏寒日鼓聲急單于夜將

一作火

奔當須徇忠義身死報

國恩



楊志堅

楊志堅臨川人與顏真卿同時詩一首

送妻

志堅嗜學而貧其妻告離志堅以詩送之時顏真卿為內史妻持詩詣州請公牒求

別酬真卿判云王歡之康既虛豈遭黃卷朱史之妻必去寧見錦衣污辱卿閭敗傷風化若無

衰敗僥倖者多遂並之後遂無棄夫者

平生志業在琴詩頭上如今有二絲漁父尚知谿谷暗  
山妻不信出身遲荆釵任意掠新鬢明鏡從他別畫眉  
今日便同行路客相逢即是下山時



御定全唐詩卷一百五十八

欽定四庫全書

集部

御定全唐詩卷一百五十九  
六十

詳校官庶吉士臣胡鈺

主事銜臣徐坤履勘

總校官知縣臣繆琪

校對官中書臣鮑之鍾

謄錄監生臣王宜

欽定四庫全書

御定全唐詩卷一百五十九

孟浩然

孟浩然字浩然襄陽人少隱鹿門山年四十乃遊京師  
常於太學賦詩一坐嗟伏與張九齡王維為忘形交維  
私邀入內署適明皇至浩然匿牀下維以實對帝喜曰  
朕聞其人而未見也詔浩然出誦所為詩至不才明主  
棄帝曰卿不求仕朕未常棄卿奈何誣我因放還採訪

使韓朝宗約浩然偕至京師欲薦諸朝會與故人劇飲  
懽甚不赴朝宗怒辭行浩然亦不悔也張九齡鎮荊州  
署為從事開元末疽發背卒浩然為詩佇興而作造意  
極苦篇什既成洗削凡近超然獨妙雖氣象清遠而采  
秀內映藻思所不及當明皇時章句之風大得建安體  
論者推李杜為尤介其間能不媿者浩然也集三卷今  
編詩二卷

從張丞相遊南紀城獵戲贈裴迪張參軍

從禽非吾樂不好雲夢田歲暮登城望偏令鄉思懸公

卿有幾幾

一作數子

車

一作聯

騎何翩翩世祿金張貴官曹幕

府賢

一作連

順時行殺氣飛刀爭割鮮十里屈賓館微聲

西妓筵高標回落日平楚散

一作壓

芳煙何意狂歌客從

公亦在旃

登江中孤嶼贈白雲先生王迴

悠悠清江水水落沙嶼出回潭石下深綠篠岸傍密蛟  
人潛不見漁父歌自逸憶與君別時泛舟如昨日夕陽

開返照中坐興非一南望鹿門山歸來恨如相一作失

晚春卧病寄張八

南陌春將晚北窗猶卧病林園久不遊草木一何盛狹

逕花障迷

一作將盡

閒庭竹掃淨翠羽戲蘭苔頽鱗動荷柄

念我平生好江鄉遠從政雲山阻夢思衾枕勞歌一作感

詠歌

一作感

詠復何為同心恨別離世途皆自媚流俗寡

相知賈誼才空逸安仁鬢欲絲一作垂遙情每東注奔晷

復西馳常恐填溝壑無由振羽儀窮通若有命欲向論



中推

秋登蘭山寄張五

一作九月九日峴山寄張子容一作秋登萬山寄張文儋

北

一作此

山白雲裏隱者自怡悅相望試

一作始

登高心飛

逐鳥滅

一作心隨雁飛滅

愁因薄暮起興是清秋發時見歸村

人

一作村人歸

沙行

一作平一作沙

渡頭歇天邊樹若薺江畔舟

如月何當載酒來共醉重陽節

入峽寄弟

吾昔與爾

一作汝

輩讀書常閉門未嘗冒湍險豈顧垂堂

言自此歷江湖辛勤難具論往來行旅弊開鑿禹功存

壁一作直

立千峰

一作巖

峻潔流萬壑奔我來凡幾宿無夕

不聞猿浦上搖

一作思

歸戀舟中失夢魂淚沾明月峽心

斷鵲鵲原離闊星難聚秋深露已繁因君下南楚書此

示

一作寄

鄉園

湖中

一作襄陽

旅泊寄閤九司戶防

桂水通百越扁舟期曉發荆雲蔽三巴夕望不見家襄

王夢行雨才子謫長沙長沙饒瘴癘胡為苦留滯久別

思歎顏承歡懷接袂接袂杳無由徒增旅泊愁清猿不  
可聽沿月下湘流

大堤行寄萬七

大堤行樂處車馬相馳突歲歲春草生踏青二三月王  
孫挾珠彈遊女矜羅襪攜手今莫同江花為誰發

仲夏歸漢南園寄京邑耆舊

一作仲夏歸南園寄京邑舊遊

嘗讀高士傳最嘉陶徵君日耽

一作耽

田園趣自謂羲皇

人予復何為者棲棲徒問津中年廢丘壑上國

一作上旅

風塵忠欲事明主  
孝思侍老親  
歸來當炎夏

一作冒炎暑

耕

稼不及春扇枕北窗下  
采芝南澗濱  
因聲謝同列  
吾慕

潁陽真

題雲門山

一作寺一作遊龍門寺

寄越府包戶曹徐起居

我行適諸越  
夢寐懷所歡  
久負獨往願  
今來恣遊盤  
台

嶺踐磴石耶  
溪汭林湍捨舟入  
香界登閣憇  
旃檀晴山

秦望近春水  
鏡湖寬遠懷

一作行

佇應接卑位徒勞安白

雲日夕滯滄海去

一作竭

來觀故國眇天末  
良朋在朝端

遲爾同攜手何時方挂冠

宿楊子津寄潤州長山劉隱士

所思在建業

一作夢寐

欲往大江深日夕望京口煙波愁我

心心馳茅山洞目極楓樹林不見少微星

一作隱

星一作風

霜勞

一作徒

夜吟

書懷貽京邑同好

維先自鄒魯家世重儒風詩禮襲遺訓趨庭露一作紹末

躬晝夜常自強詞翰

一作賦

頗亦工

一作攻

三十旣成立嗟

吁命不通慈親向羸老喜懼在深衷甘脆朝不足簞瓢  
夕屢空執鞭慕夫子捧檄懷毛公感激遂彈冠安能守  
固窮當途訴知己投刺匪求蒙秦楚邈離異翻飛何日  
同

還山貽湛法師

幼

一作幻

聞無生理常欲觀此身心跡罕兼遂嶮崎多在

塵晚途歸舊壑偶與支公鄰導以微妙法結為清淨因

近本無以上二句下有喜得林下契共推  
席上珍念茲汎苦海方便示迷津四句

煩惱業頓捨

山林情轉殷，朝來問疑義。  
夕話得清真，墨妙稱古絕。  
詞華驚世人，禪房閉虛靜。  
花藥連冬春，平石藉琴硯。  
落泉灑衣巾，欲知冥滅意。  
一作意 冥滅朝夕海鷗馴。

夏日

一作夕

南亭懷辛大

山光忽西落

一作發

池月漸東上，散髮乘夕涼。  
開軒臥閒敞，荷風送香氣。  
竹露滴清響，欲取鳴琴彈。  
恨無知音賞，感此懷故人。  
中宵勞夢想。

秋宵月下懷

秋宵月下懷

秋空明月懸光彩露濕驚鵲棲未

一作不

定飛螢捲簾

入庭槐寒影疎鄰杵夜聲急佳期曠何許望望空佇立

將適天台留別臨安李主簿

枳棘君尚棲匏瓜吾豈繫念離當夏首

一作離亭下

漂一作

淡泊指炎裔江海非墮

一作情

遊田園失歸計定山旣早

發漁浦亦宵濟泛泛隨波瀾行行任艫柂故林日已遠

羣木坐成翳羽人在丹丘吾亦從此逝

送丁大鳳進士赴舉呈張九齡



吾觀鴈鵠賦君負王佐才惜無金張援十上空歸來棄  
置鄉園老翻飛羽翼摧故人今在位岐路莫遲回

送吳悅遊韶陽

五色憐鳳雛南飛適鴈鵠楚人不相識何處求椅梧去  
去日千里茫茫天一隅安能與斤鷄決起但槍榆

適越留別譙縣張主簿申屠少府

朝乘汴河流

一作去

夕次譙縣界幸值

一作因

西風吹得與

故人會君學梅福隱余從

一作隨

伯鸞邁別後能相思浮

雲在一作去吳會

送陳七赴西軍

吾觀非常者碌碌在目前君負鴻鵠志蹉跎書劍年一  
聞邊烽動萬里忽爭先余亦赴京國一作闕何當獻凱還

送從弟邕下第後尋會稽

疾風吹征帆倏爾向空沒千里在一作去俄頃三江坐超

忽向來共歡娛日夕成楚越落羽更分飛誰能不驚骨

送辛大之鄂渚不及

送君不相見日暮獨愁緒

一作余楚詞曰眇眇兮愁予唐韻泣有上聲或改作

緒非

江上空

一作久

裴回天邊迷處所郡邑經樊鄧山河

一作

雲山

入嵩汝蒲輪去漸遙石徑徒延佇

### 江上別流人

以我越鄉客

一作里

逢君謫居者分飛黃鶴樓流落

一作客

蒼梧野驛使乘雲去征帆沿溜下不知從此分還袂何

時把

宴包二融宅

一作宴鮑二宅

閒居枕清洛左右接大野門庭無雜賓車轍多長者是

時

一作歲

方盛夏風物自瀟灑五日休沐歸相攜竹林下

開襟成歡趣對酒不能罷煙暝棲鳥迷

一作還

余將

一作亦

歸白社

與王昌齡宴王道士房

一作與王昌齡宴黃十一

歸來臥青山常夢遊清都漆園有傲吏惠好

一作我在一作縣

在

招呼書幌神仙錄畫屏山海圖酌霞復對此宛似入蓬

壺

襄陽公宅飲

窈窕夕陽

一作陰

佳

一作在

茸茸春色好欲覓淹留處無過

狹斜道綺席卷龍鬚香杯浮碼碯北林積修樹南池生

別島手撥金翠花心迷玉紅

一作芝

草談笑光六義發論

明三倒座非陳子驚門還魏公掃榮辱

一作華

應無間歡

娛當共保

尋香山湛上人

朝遊訪名山山遠在

一作若

空翠氛氲亘百里日入行始

至杖策尋故人解鞭暫停騎石門殊豁險篁逕轉森一作

深邃法侶欣相逢清談曉不寐平生慕真隱累日探一作

求奇一作靈異野老朝入田一作雲山僧暮歸寺松泉多逸

清一作響苔壁饒古意谷口聞鐘聲林端識香氣近本以上二句

在第五第六願言投此山身世兩相棄

雲門寺西六七里聞符公蘭若最幽與薛八同

往

謂予獨迷一作遊方逢子亦在野結交指松柏問法尋蘭

若小溪劣容舟怪石屢驚馬所居最幽絕所住一作皆

靜者雲簇興座隅天空落階下以上二句一作密篠上

人亦何聞一作塵念都已捨四禪合真如一切是虛假

願承甘露潤喜得惠風灑依止託一作山門誰能一作願又

作知效丘也

### 宿天台桐柏觀

海行信風帆夕宿逗雲島緬尋滄洲趣近愛赤城好捫

蘿亦踐苔輟櫂恣探一作窮討息陰憇桐柏采秀弄芝草

鶴唳清露垂鷄鳴信潮早願言解纓紱一作從此去

無煩惱高步凌四明一作玄蹤得三老紛吾遠遊意學

一作彼長生道日夕望三山雲濤空浩浩

峴潭山一作

石潭傍隈隩沙岸一作曉黃緣試垂竹竿釣果得槎一作

查頭編美人騁金錯纖手膾紅鮮因謝陸內史尊羹何

足傳

題終南翠微寺空上人房一作宿終南翠微寺



翠微終南裏雨後宜返照閉關久沈冥杖策一登眺遂

造幽人室始知靜者妙儒道雖異門雲林頗同調兩心

相喜

一作喜相

得畢景共談笑暝還高窗眠

一作昏

時見遠山

燒緬懷赤城標更憶臨海嶠風泉有清音

一作聽

何必蘇

門嘯

### 初春漢中漾舟

羊公峴山下

一作漾舟  
逗何處

神女漢臯曲雪罷冰復開春潭

千丈綠輕舟恣來往探翫無厭足波影搖妓釵沙光逐

人目傾杯魚鳥醉聯句驚花續良會難再逢日入須秉

燭

輕舟二句良會  
二句宋刻竝無

宿業師

一作  
來公

山房期待

一作

丁大不至

夕陽度西嶺羣壑修已暝松月生夜涼風泉滿清聽樵  
人歸欲盡煙

一作  
磴

鳥棲初定之子期宿

一作  
未

來孤琴

一作

宿  
候蘿逕

耶溪泛舟

落景餘清輝輕橈

一作  
楫

弄溪渚澄明

一作  
泓澄

愛水物臨泛

何容與白首垂釣翁  
新妝浣紗女相看一作看看似未一作相  
識脉脉不得語

彭蠡湖中望廬山

太虛生月暈舟子

一作中

知天風挂席候

一作知

明發眇漫

平湖中中流見匡阜勢壓九江雄  
黯黯容霽一作凝黛色崢

嶸當曉

一作曙

空香爐

一作爐峰

初上日瀑布

一作水

噴成虹久

欲追尚子沉茲懷遠公  
我來限一作恨于役未暇息微躬

淮海途將半星霜歲欲窮  
寄言巖棲者畢趣當來同

登

一作題

鹿門山

題下一有懷古二字

清曉因興來乘流越江峴沙禽近方

一作初一作相識

浦樹遙

一作達

莫辨漸至

一作到

鹿門山山明翠微淺巖潭多屈曲

舟檝屢回轉昔聞龐德公采藥遂不返金澗餌

一作養

芝

朮石牀臥苔蘚紛吾感者舊結攬事攀踐隱迹今尚存

高風邈已遠白雲何時去丹桂空偃蹇探討意未窮回

艇

一作艦

夕陽晚

遊明禪師西山蘭若

西山多奇狀秀出倚前楹停午收彩翠夕陽照分明吾

師住其下禪坐證

一作說

無生結廬就嵌窟剪茗

一作竹

通

往

一作徑

行談空對樵叟授法與山精日暮方辭去田園

歸冶城

### 登望楚山最高頂

山水觀形勝襄陽美會稽最高唯望楚曾未一攀躋石

壁疑削成衆山比全低晴明試登陟目極無端倪雲夢

掌中小武陵花處迷暝還歸騎下蘿月映

一作在

深谿

疾愈過龍泉寺精舍呈易業二公

停午聞山鐘起行散

一作送

愁疾尋林采芝去轉谷松翠

一作蘿

密傍見精舍開長廊飯僧畢石渠

一作梁

流雪水金

子

一作鳥

耀霜橘竹房思舊遊過憇終水日入洞窺石髓

傍崖采蜂蜜日暮辭遠公虎溪相送出

萬山潭作

垂釣坐盤石水清心亦

一作益

閒魚行

一作遊

潭樹下猿挂

島藤間游女昔解佩傳聞於此山求之不可得沿月櫂

歌還

與黃侍御北津泛舟

津無蛟龍患日夕常安流本欲避驄馬何如一作知同鷁

舟豈伊今日幸曾是昔年遊莫奏琴中鶴且隨波上鷗

隄緣九里郭山面百城樓自顧躬耕者才非管樂儔聞

君薦草澤從此泛滄洲

洗然弟竹亭

吾與二三子平生結交深俱懷鴻鵠志一作共有鵲鷁

心逸氣假毫翰清風在竹林達一作遠是酒中趣琴上偶

然音

山中逢道士雲公

春餘草木繁耕種滿田園酌酒聊自勸農夫安與言忽  
聞荆山子時出桃花源采樵過北谷賣藥來西村村煙  
日云夕榛路有歸客杖策前相逢依然是疇昔邂逅歡  
覲止殷勤叙離隔謂予搏扶桑輕舉振六翮奈何偶昌  
運獨見遺草澤旣笑接輿狂仍憐孔丘厄物情趨勢利



吾道貴閒寂，偃息西山下。門庭罕人迹，何時還清溪。從爾鍊丹液。

越中逢天台太乙子

仙穴逢羽人，停轡向前拜。問余涉風水，何處遠行邁。登陸尋天台，順流下吳會。茲山夙所尚，安得問一作聞靈怪。

上逼青天高，俯臨滄海大。鷄鳴見日出，常覩仙人旆。一作

每與仙人會往來一作去去又作來去赤城中。逍遙白雲外，莓苔異人

間瀑布當

一作

空界福庭長自然

一作不死

華頂

一作勝境

舊稱

最永此

一作懷又作願

從之

一作此

遊何當濟所居

家園臥疾畢太祝曜

一無此字見尋

伏枕舊遊曠笙簧

一作歌

勞夢思平生重交結迨此令人

疑冰室無煖氣炎

一作火

雲空赫曦隙駒不暫駐日聽涼

蟬悲壯圖哀未立斑白恨吾衰夫子自南楚緬懷嵩汝

期顧予衡茅下兼致稟物資脫分趨庭禮殷勤伐木詩

脫君車前執設我園中葵斗酒須寒興明朝難重持

一本

無以上八句

白雲先生

一無此四字

王迴見訪

閒歸

一作歸閒

日無事雲臥晝不起有客款柴扉自云巢居

子居閒好芝朮

一作花朮

采藥來城市家在鹿門山常遊澗

澤水手持白羽扇脚步青芒履聞道鶴書徵臨流還洗

耳

田園

一作家作

樊廬隔塵喧惟先養

一作尚

恬素卜鄰近

一作勞

三徑植果

盈千樹粵余任推遷三十猶未遇書劒時將晚丘園日

已

一作空

暮晨興自多懷  
晝坐常寡悟  
冲天羨鴻鵠  
爭食

羞

一作嗟

鷄鶩望斷金馬門  
勞歌采樵路  
鄉曲無知己  
朝

端乏親故誰能為  
揚雄一薦甘泉賦

采樵作

采樵入深山  
山深樹重疊  
橋崩臥槎擁  
路險垂藤接  
日

落伴將稀  
山風拂蘿

一作薜

衣長歌負輕策  
平野望煙歸

自潯陽泛舟經明

一作湖

海

大江分九流

一作派

淼淼

一作漫

漫

成水鄉  
舟子乘利涉

往來至

一作過  
又作經

潯陽因之泛五湖  
流浪經三湘  
觀濤壯

枚發弔屈痛沈湘  
魏闕心恒

一作常

在金門  
詔不忘  
遙憐

上林雁冰泮也

一作已

回翔

### 早發漁浦潭

東

一作晨

旭早光芒

一作光  
蒼茫

渚禽已

一作似

驚聒臥聞漁浦

口橈聲暗相撥  
日出氣象分  
始知江湖

一作路

潤美人常

晏起

一作然

照影弄流沫  
飲水畏驚猿  
祭魚時

一作常

見獺

舟行自無悶  
況值晴景豁

經七里灘

予奉垂堂誠千金非所輕為多山水樂頻作泛舟行五  
嶽追向子三湘弔屈平湖經洞庭濶江入新安清復聞  
嚴陵瀨乃在茲湍

一作川又  
作此行

路壘障數百里沿洄非一

趣彩翠相氛氲別流亂奔注釣磯平可坐苔磴滑難步  
援飲石下潭鳥還日邊樹觀奇恨來晚倚櫂惜將暮揮  
手弄潺湲從茲洗塵慮

歲暮海上作

仲尼既云

一作已

歿余亦浮于海昏

一作又

見斗柄回方

一作

始知歲星

一作新歲

改虛舟任所適垂釣非有待為問乘槎

人滄洲

一作浪

復誰

一作何

在

南歸阻雪

一作北阻雪

南陽

我行滯宛許日夕望京豫曠野莽茫茫鄉山在何處孤

煙村際起歸雁天邊去積雪覆平臯

一作端

饑鷹捉寒兔

少年弄文墨屬意在章句十上恥還家裴回守歸路

聽鄭五惲彈琴

阮籍推名飲清風滿

一作坐

竹林半酣下衫袖拂拭龍唇

琴一杯彈一曲不覺夕陽沈予意在山水聞之諧夙心

同張明府清鏡歎

妾有盤龍鏡清光常晝發自從生塵埃有若霧中月愁  
來試取照坐歎生白髮寄語邊塞人如何久離別

庭橘

明發覽羣物萬木何陰森凝霜漸漸水庭橘似懸金女  
伴爭攀摘摘窺礙葉深泣生憐共蒂相示感同心骨刺



紅羅帔香黏翠羽簪  
擎來玉盤裏全勝在幽林

早梅

園中有早梅年例犯寒開  
少婦曾一作爭攀折將歸插鏡臺  
猶言看不足更欲剪刀裁

清明即事

帝里重清明人心自愁思  
車聲上路合柳色東城翠  
落草齊生鶯飛蝶雙戲  
空堂坐相憶酌茗聊代醉

和盧明府送鄭十三還京兼寄之什

昔時風景登臨地今日衣冠送別筵醉坐

一作閒臥

自傾彭

澤酒思歸長望白雲天洞庭一葉驚秋早  
落空嗟滯江島寄語朝廷當世人何時重見長安道

高陽池送朱二

當昔襄陽雄盛時山公常醉習家池池邊釣女日

一作自

相隨妝成照影競

一作近

來窺澄

一作紅

波澹澹芙蓉發綠

岸穆穆

一作彬彬

楊柳垂一朝物變人亦非四面荒涼人徑

一作住

稀意氣豪華何處在空餘草露濕羅

一作征

衣此地

朝來餞行者翻向此中牧征馬征馬分飛日漸斜見此  
空為人所嗟殷勤為訪桃源路予亦歸來松子家

鸚鵡洲送王九之

一作江左遊

昔登江上黃鶴樓遙愛江中鸚鵡洲洲勢逶迤遠一作還

碧流鴛鴦鸕鶿滿灘

一作沙

頭灘頭日落沙磧長金沙熠

熠

一作耀

動颼光舟人牽錦纜浣女結羅裳月明全見蘆

花白風起遙聞杜若香君行采采莫相忘

送王七尉松滋得陽臺雲

君不見巫山神女作行雲  
霏紅一作虹  
沓翠曉氤氲  
嬋娟

流

一作遊

入楚

一作襄

王夢倏忽

一作覺後

還隨零雨分空中飛

曉

一作

去復飛來朝朝暮暮下陽臺  
愁君此去

一作處

為仙

尉便逐行雲去不回

夜歸鹿門山歌

山寺鐘鳴晝已昏  
漁梁

一作陽

渡頭爭渡喧  
人隨沙路

一作

岸向江村余亦乘舟歸  
鹿門月照開煙

一作煙中

到

一作辨

龐公棲隱處  
巖扉松

一作草

徑

一作逕

長寂寥

一作

寞  
惟有幽人夜來去

### 長樂宮

秦城舊來稱窈窕漢家更衣應不少紅粉邀君在何處  
青樓苦夜長難曉長樂宮中鐘暗來可憐歌舞慣相催  
歡娛此事今寂寞惟有年年陵樹哀

### 示孟郊

按浩然與郊年代邈不相及詩題疑有緣誤

蔓草葳極野蘭芝結孤根衆音何其繁伯牙獨不喧當  
時高深意舉世無能分鐘期一見知山水千秋聞爾其

保靜節薄俗徒云云

御定全唐詩卷一百五十九

欽定四庫全書

御定全唐詩卷一百六十

孟浩然

和張丞相春朝對雪

迎氣當春至

一作立

承恩喜雪來潤從河漢下

一作落

花逼

豔陽開不覩豐年瑞焉

一作安

知燮理才撒鹽如可擬願

糝和羹梅

和張明府登鹿門作

一作山

忽示登高作能寬旅寓情弦歌旣多暇山水思微一作彌

清草得

一作色

風光

一作先

動虹因雨氣

一作後

成謬承巴里

和非敢應同聲

和張二自穰縣還途中遇雪

風吹沙海雪漸

一作來

作柳園春宛轉隨香騎輕盈伴玉

人歌疑郢中客態比洛川神今日南歸楚雙飛似入秦

和賈主簿并九日登峴山

楚萬重陽日羣公賞讌來共乘休沐暇同醉菊花杯逸



思高秋發歡情落景催國人咸寡和遙媿洛陽才

望洞庭湖贈張丞相

一作臨洞庭

八月湖水平涵虛混太清氣蒸雲夢澤波撼岳陽

城欲濟無舟楫端居恥聖明坐觀一作憐垂釣者一作空

一作徒有羨魚情

贈道士參寥

蜀琴久不弄玉匣細塵生絲脆弦將斷金徽色尚榮知音徒自惜聾俗本相輕不遇鍾期聽誰知鸞鳳聲

京還贈張

一作王維

拂衣何處去

一作去何處

高枕南山南欲徇五斗祿其如七

不堪早朝非晚

一作晏

起束帶異抽簪因向智者說遊魚

思舊潭

題李十四莊兼贈綦母校書

聞君息陰

一作陰

地東郭柳林間左右瀍澗水門庭緱氏

山抱琴來取醉垂釣坐乘閒歸客莫相待尋

緣一作

源殊

未還

九日龍沙作寄劉大春虛

龍沙豫章北九日挂帆過風俗因時見湖山發興多客  
中誰送酒權裏自成歌歌竟乘流去滔滔任夕波

寄趙正字

正字芸香閣幽人竹素

一作葉

園經過宛如昨歸臥寂無

喧高鳥能擇木羝羊漫

一作屢

觸藩物情今已見從此

一作

徒願

一作欲

忘

一作無

言

洞庭湖寄閣九

洞庭秋正濶余欲泛歸船莫辨荆吳地唯餘水共天渺  
瀰江樹沒合沓海潮一作湖連遲爾為舟楫相將濟巨川

秦中感秋寄遠上人

一作崔國輔詩

一丘常欲臥三徑苦無資北土

一作上

非吾願東林懷我

師黃金然桂盡壯志逐年衰日

一作旦

夕涼風至聞蟬但

益悲

宿永嘉江寄山陰崔少府國輔

我行窮水國君使入京華相去日千里孤帆天一涯臥

聞海潮至起視江月斜借問同舟客何時到永嘉

上巳洛中寄王九迴

一作王迴十九

卜洛成周地浮杯上巳筵關雞寒食下走馬射堂前垂柳金堤合平沙翠幙連不知王逸少何處會羣賢

聞裴侍御拙自襄州司戶除豫州司戶因以投

寄

故人荆府

一作河

掾尚有柏臺威移職自樊衍

一作洵

芳聲

聞帝畿昔余

一作共子

臥林巷載酒過柴扉松菊無時

一作君

賞鄉園欲懶

一作懶欲歸一作飛

江上寄山陰崔少府國輔

春堤楊柳發憶與故人期草木本無意榮枯自有時  
山陰定遠近江上日相思不及蘭亭會一作事空吟被襖詩

夜泊廬江聞故人在東寺以詩寄之

林一有字

江路經廬阜松門入虎谿聞君寂樂清夜宿招提石  
鏡山精怯禪枝一作林怖鵲棲一燈如悟道為照客心迷

宿桐廬江寄廣陵舊遊

山暝聞

一作聽

猿愁滄江急夜流風鳴兩岸葉月照一孤

舟建德非吾土維揚憶舊遊還將兩

一作數

行淚遙寄海

西頭

南還舟中寄袁太祝

沿沂非便習風波厭苦辛忽聞遷谷鳥來報五

一作武陵

春嶺北回征帆

一作權

巴東問故人桃

一作花

源何處是

一作

在何處

遊子正迷津

東陂遇雨率爾貽謝南池

田家春事起丁壯就東陂殷殷雷聲作  
森森雨足垂海

虹晴始見河柳潤初移予意在耕鑿因君問土宜

一作問君

田事宜

行至汝墳寄盧徵君

行乏憇予駕依然見汝墳洛川方罷雪嵩嶂有殘雲  
曳

曳半空裏明明

一作溶溶

五色分聊題一時興因寄盧徵君

寄天台道士

海上求仙客三山望幾時焚香宿華頂裊露采靈芝  
屢



躡

一作踐

莓苔滑將尋汗漫期倘因松子去長與世人辭

唐城館中早發寄楊使君

犯霜驅曉駕數里見唐城旅館歸心逼荒村客思盈訪人留後信策蹇赴前程欲識離魂斷長空聽雁聲

澗南即事貽皎上人

敝廬在郭外素產惟田園左右林野曠不聞朝一作城市

喧釣竿垂北澗樵唱入南軒書取幽棲事將尋靜者論

一作言

重酬李少府見贈

養疾衡簷

一作茅

下由來浩氣真五行將禁火十步任

一作

想又作枉

尋春致敬惟桑梓邀歡即主

一作故

人回

一作還

看後

彫色青翠有松筠

九日懷襄陽

題上一有途中二字

去國似已

一作

如昨倏然

一作焉

經杪秋峴山不可

一作望不

見

風景令人愁誰采籬下菊應閒池上樓宜城多美酒

一作

名善醞

歸與葛彊遊

初出關旅亭夜坐懷王大校書

向夕槐煙起，蔥龍池館曠。  
客中無偶坐，關外惜離羣。  
燭至螢光滅，荷枯雨滴聞。  
永懷芸一作蓬閣友，寂寞滯揚雲。

人日登南陽驛門亭子懷漢川諸友

朝來登陟處，不似豔陽時。  
異縣殊風物，羈懷多所思。  
剪花驚歲早，看柳訝春遲。  
未有南飛雁，裁書一作衣欲寄誰。

早寒江上有懷一作江上思歸

木落雁南一作初度，北風江上寒。  
我家襄一作湘水一作江上，  
一作又作江上

曲遙隔楚雲

一作山

端鄉淚客中盡孤

一作歸

帆天際

一作外

看迷津欲有問平海夕漫漫

閒園懷蘇子

林園雖少事幽獨自多違向夕開簾坐庭陰落景

一作葉落

微鳥過

一作從

煙樹宿螢傍水軒飛感念同懷子京華去

不歸

同盧明府餞張郎中除義王府司馬海園作

就張

園作題下一無  
海園作三字

上國山

一作星

河列

一作裂

賢王郎

一作甲

第開故人分職去

潘令寵行來冠蓋趨梁苑江湘

一作山

失楚材豫愁軒騎

動賓客散池臺

送張子容進士赴舉

一作赴進士舉

夕曛山照滅送客出柴門惆悵野中別殷勤岐路

一作醉後

言茂林予偃息喬木爾飛翻無使谷風誚須令友道存

送張參明經舉兼向涇州覲省

十五綵衣年承歡慈

一作戀

母前孝廉因歲貢懷橘向秦

川四座推文舉中郎許仲宣泛舟江上別誰不仰神仙

送張祥之房陵

我家南渡頭慣習野人舟日夕弄清淺林湍逆上流山

河

一作鄢陵

據形勝天地生豪酋君意在利往

一作涉

知音期

自

一作暗又  
一作暝

投

送吳宣從事

一作送蘇  
六從軍

才有幕中士

一作畫

寧

一作而

無塞上勲漢兵將滅虜王粲

始從軍旌旆邊庭去山川地脉分平生一匕首感激贈

夫君

送桓子之郢成禮

聞君馳綵騎躑躑指南荆

一作荆衡

為結潘楊好言過鄢郢

城標梅詩有贈羔雁禮將行今夜神仙女應來感夢情

留別王侍御維

寂寂竟何待朝朝空自歸欲尋芳草去惜與故人違當

路誰相假知音世所稀祇應守索

一作寂

寞還掩故園扉

早春潤州送從弟還鄉

兄弟遊吳國庭闈戀楚關已多新歲感一作改更饒白眉

還歸泛西江水離筵北固山鄉園欲有贈梅柳著一作看

先攀

峴山饒

一作贈

房琯崔宗之

貴賤平生隔軒車是日來青陽一覲止雲路一作霧豁然

開祖道衣冠列分亭驛騎催方期九日聚還待二星回

送謝錄事之越

清旦江天迴涼風西北吹白雲向吳會征帆亦相隨想



到耶溪日應探禹穴奇仙書倘相示予在此一作北山陲

洛中送奚三還揚州

水國無邊際舟行共

一作興

使一作便

風羨君從此去朝夕

見鄉中予亦離家久南歸恨不同音書若有問江上會相逢

送告八從軍

男兒一片氣何必五車書好勇方過我多才便起予運籌將入幕養拙就閒居正待功名遂從君繼兩疎

送元公之鄂渚尋觀主張驂鸞

桃花春水漲之子忽乘流峴首辭一作下離蛟浦江中一作邊

問鶴樓贈君青竹杖送爾白蘋洲應是神仙子一作輩相

期一作逢汗漫遊

送王五昆季省親

公子戀庭闈勞歌涉海涯一作沂水乘舟楫去親望老萊

歸斜日催烏鳥清江照綵衣平生急難意遙仰鵲鵲飛

送崔遏一作過  
一作易

片玉來誇楚治中作主人江山增潤色詞賦動陽春別  
館當虛敞離情任吐伸因聲兩京舊誰念臥漳濱

送盧少府使入秦

楚關望秦國相去千里餘州縣勤王事山河轉使車祖  
筵江上列離恨別前書願及芳年賞嬌鶯二月初

送袁十一

一有嶺南尋弟三字

早聞牛渚詠今見鵲鵲心羽翼嗟零落悲鳴別故林蒼  
梧白雲遠煙水洞庭深萬里獨飛去南風遲爾音

永嘉別張子容

舊國余歸楚新年子北征  
挂帆愁海路分手戀朋情  
日夕故園意汀洲春草生  
何時一杯酒重與季鷹傾

東京留別諸公

一題作京還別新豐諸友

吾道昧所適驅車還向東  
主人開舊館留客醉新豐  
樹繞溫泉綠塵遮晚一作晚日  
紅拂衣從此去高步躡華嵩

送袁太祝尉豫章

何幸遇休明觀光來上京  
相逢武陵客獨送豫章行  
隨

牒牽黃綬離羣會墨卿江南佳麗地山水舊難名

都下送辛大之鄂

南國辛居士言歸舊竹林未逢調鼎用徒有濟川心予亦忘機者田園在漢陰因君故鄉去遙一作還寄式微吟

送席大

惜爾懷其寶迷邦倦客遊江山歷金楚河洛越成周道路疲千里鄉園老一丘知君命不偶同病亦同憂

送賈昇主簿之荆府

奉使推能者勤王不暫閒觀風隨按察乘騎度荆關送  
別登何處開筵舊峴山征軒明日遠空望郢門間

送王大校書

導漾自嶓冢東流為漢川維桑君有意解纜我開筵雲  
雨從茲別林端意渺然尺書能不愴時望鯉魚傳

遊江西留別富陽裴劉二少府

一題作浙江西  
上留別裴劉二

少府

西上遊

一作浙

江西臨流恨

一作慍

解攜千山疊成嶂萬水

瀾

一作  
壑合

為溪石淺流難汙

一作  
注

藤長險易躋誰憐問津

者

一作  
客

歲晏此中迷

廣陵別薛八

一作題作送  
友東歸

士有不得志棲棲吳楚間  
廣陵相遇罷彭蠡泛舟還  
檣出江中樹波連海上山  
風帆明日遠何處更追攀

送沈然弟進士舉

獻策金門去承歡綵服違  
以吾一日長念爾聚星稀  
昏定須溫席寒多未授衣  
桂枝如已擢早逐雁南飛

崔明府宅夜觀妓

白日既云暮朱顏亦已酡  
畫堂初點燭金幌半垂羅  
長袖平陽曲新聲子夜歌  
從來慣留客茲夕為誰多

同盧明府早秋宴張郎中海亭

側聽弦歌宰文書遊夏徒  
故園欣賞竹為邑幸來蘇  
華省曾聯事仙舟復與俱  
欲知臨泛久荷露漸成珠

盧明府早秋宴張郎中海園即事得秋字

一作  
盧象

詩



邑有弦歌宰翔鸞狎野

一作狎

鷗眷言華省舊暫拂

一作滯

海池遊鬱島藏深竹前溪對舞樓更聞書即事雲物是

清秋

宴榮二山池

一題作宴榮山池亭

甲第開金穴

一作金張宅

榮期樂自多檻嘶支遁馬池養石

軍鵝竹引攜

一作稽

琴人花邀載酒

一作戴客

過山公來取醉

時唱接羅歌

夏日與崔二十一同集衛明府宅

一作宴衛明府宅遇北使

言避一時暑池亭五月開喜逢金馬客同飲玉人杯舞  
鶴乘軒至遊魚擁釣來座中殊未起簫管莫相催

清明日宴梅

一作張

道士房

林臥愁春盡開軒

一作  
寨帷

覽物華忽逢青鳥使邀入

一作  
我

赤松家丹竈初開火仙桃正落

一作  
發

花童顏若可駐何

惜醉流霞

寒夜張明府宅宴

瑞雪初盈尺寒宵始半更列筵邀酒伴刻燭限詩成香

炭金爐煖嬌絃玉指清醉來方欲臥不覺曉雞鳴

末二句

作厭厭不覺醉  
歸路曉霞生

### 宴張別駕新齋

世業傳珪組江城佐股肱高齋徵學問虛薄濫先登  
講論陪諸子文章得舊朋士元多賞激衰病恨無能

### 與諸子登峴山

人事有代謝往來成古今江山留勝跡我輩復登臨  
水落魚梁淺天寒夢澤深羊公碑字一作尚在讀罷淚沾襟

與杭州薛司戶登樟

一作梓

亭樓作

水樓一登眺

一作望

半出青林高帝幕英僚散芳筵下客

叨山藏伯禹穴城壓伍胥濤今日觀溟漲垂綸學

一作欲

釣鼇

### 尋天台山

吾友

一作愛

太乙子餐霞臥赤城欲尋華頂去不憚惡谿

名歇馬憑雲宿楊帆截海行高高翠微裏遙見石梁橫

### 同曹三御史行泛湖歸越

秋入詩人意

一作興

巴歌和者稀  
泛湖同逸旅

一作泊

吟會

是思歸白簡徒  
推薦滄洲已拂衣  
杳冥雲外一作海去誰

不羨鴻飛

### 晚泊潯陽望廬山

挂席幾千里  
名山都未逢  
泊舟潯陽郭  
始見香爐峰  
嘗讀遠公傳  
永懷塵外蹤  
東林精舍近  
日暮但聞鐘

### 陪張丞相登嵩陽樓

獨步人何在  
嵩陽有故樓  
歲寒問耆舊  
行縣擁諸侯  
林

一作決

莽北彌望沮漳東會流客中遇知己無復越鄉憂

武陵泛舟

武陵川路狹前櫂入花林莫測幽源裏仙家信幾深水  
回青嶂合雲度綠溪陰坐聽閒猿嘯彌清塵外心

與顏錢塘登障樓

一作棹亭

望潮作

百里聞雷震鳴絃暫輟彈府中連騎出江上待潮觀照

日秋雲

一作空

迴浮天

一作雲

渤澥寬驚濤來似雪一坐凜

生寒

姚開府山池

主人新邸第相國舊池臺  
館是招賢閣樓因教舞開軒  
車人已散簫管鳳初來  
今日龍門下誰知文舉才

夏日浮舟過陳大水亭

一作浮舟過  
滕逸人別業

水亭涼氣多閒權晚來過澗影見松一作藤竹潭香聞菱

荷野童扶醉舞山鳥助

一作笑

酣歌幽賞未云徧煙光

一作

花柰夕何

與白明府遊江

故人來自遠邑宰復初臨執手恨為別同舟無異心沿  
泗洲渚趣演漾弦歌音誰識一作為躬耕者年年梁甫吟

遊鳳林寺西嶺

共喜年華好來遊水石間煙容開遠樹春色滿幽山壺  
酒朋情洽琴歌野興閒莫愁歸路暝招月伴人還

秋日陪

一作和題上  
無秋日二字

李侍御渡松滋江

南紀西江濶皇華御史雄截流寧假楫挂席自生風僚  
寮爭攀鰲魚龍亦避驄坐聽一作聞白雲唱翻入權歌中



陪獨孤使君同與蕭員外證登萬山亭

萬山青嶂曲千騎使君遊  
神女鳴環佩仙郎接獻酬  
遍觀雲夢野自愛江城樓  
何必東南守空傳沈隱侯

秋登張明府海亭

海亭秋日望委曲見江山  
染翰聊題壁傾壺一解顏  
歌一作歡逢彭澤令歸賞故園間  
予亦將琴史棲遲共取閒

臨渙裴明府席遇張十一房六

一題作臨渙裴  
贊席遇張十六

河縣柳林邊河橋晚泊船  
文叨才子會官喜故人連  
一作

憐笑語同今夕輕肥異往年晨風理歸征一作權吳楚各

依然

梅道士水亭

傲吏非凡吏名流即道流隱居不可見高論莫能酬  
水接仙源近山藏鬼谷幽再來迷處所花下問漁舟

遊景空

一作光

寺蘭若

龍象經行處山腰度石關屢迷青嶂合時愛綠蘿閒  
宴息花林下高談竹嶼間寥寥隔塵事疑是入雞山

陪李侍御訪聰上人禪居

一作陪柏臺友訪聰上人

欣逢柏臺友

一作舊

共謁聰公禪石室無人到繩牀見虎

眠陰崖常抱雪枯澗為生泉出處雖云異同歡在法筵

遊精思觀回王白雲在後

出谷未停午到

一作至

家日已曛回瞻下山

一作山下

路但見

牛羊羣樵子暗相失草蟲寒不聞衡門猶未掩佇立望

待

一作夫君

夏日辨玉法師茅齋

夏日茅齋裏無風坐亦涼竹林深

一作新

筍櫟

一作穉

藤架

引梢長燕窠窠處蜂來造蜜房物華皆可翫花藥四

時芳

與張折衝遊耆闍寺

釋子彌天秀將軍武庫才橫行塞北盡獨步漢南來貝

葉傳金口山樓

一作櫻

作賦開因君振嘉藻江楚氣雄哉

遊精思題觀主山房

誤入桃源裏初憐竹迳深方知仙子宅未有世人尋舞

鶴過閒砌飛猿嘯密林漸通玄妙理深得坐忘心

宿立公房

吏遁初求道深公笑買山何如石巖趣自入戶庭間苔澗春泉滿蘿軒夜月閒能令許玄度吟臥不知還

尋陳

一作滕

逸人故居

人事一朝盡荒蕪三徑休始聞漳浦臥奄作岱宗遊池

水猶含

一作涵

墨風

一作山

雲已落秋今宵

一作朝

泉壑裏何

處覓藏舟

尋梅道士

一作尋梅道士張山人

彭澤先生柳山陰道士驚我來從所好停策漢陰

一作夏雲

多重以觀

一作窺

魚樂因之鼓枻歌崔徐迹未朽千載捐

清波

陪姚使君題惠上人房

題下一有得青字三字

帶雪梅初煖含煙柳尚青來窺童子偈得聽法王經會

理知無我觀空厭有形迷心應覺悟客思未

一作不

遑寧

晚春題遠上人南亭

給園支遁隱虛寂養身

一作閒

和春晚羣木秀間

一作關

黃鳥歌林棲居士竹池養石軍鵝炎

一作花

月北窗下清

風期再過

### 題大禹寺義公禪房

義公習禪處

一作寂

結構

一作宇

依空林戶外一峰秀堦前

羣

一作衆

壑深夕陽連

一作照

雨足空翠落庭陰看取蓮花

淨應

一作方

知不染心

尋白鶴巖張子容

一作顏

隱居

白鶴青巖半幽人有隱

一作舊

居階庭空水石林壑罷樵

漁歲月青松老風霜苦竹疎

一作餘

覩茲懷舊業回

一作杖一作

作攜策返吾廬

題融公蘭若

一作題容山主蘭若

精舍買金開

一作地

流泉遶砌回芰荷薰講席松栢映

一作

繞香臺法雨晴飛

一作霏

去天花晝下來談玄殊未已

一作

一乘談未了

歸騎夕陽催

過景空

一作光

寺故融公蘭若

一題作過潛上人舊房一作悼正弘



師禪

池上青蓮宇林間白馬泉故人成異物過客一作憇獨潛

然既禮新松塔還尋舊石筵平生竹如意猶挂草堂前

題一作憶張野一作逸人園廬

與君園廬竝微尚頗亦同耕釣方自逸壺觴趣不空門

無俗士駕人有上皇風何處一作必先賢傳惟稱龐德公

李少府與楊一作王九再來

弱歲早登龍今來喜再逢如何春月柳猶憶歲寒松煙

火臨寒食笙歌達

一作咽

曙鐘喧喧鬪雞道行樂羨朋從

尋張五回夜園作

一無下四字

聞就龐公隱移居近洞

一作澗

湖興來林是竹歸臥谷名

愚挂席樵風便開軒琴月孤歲寒何用賞霜落故園蕪

裴司士

一作功

員司戶

一作士

見尋

一作裴司士見訪

府僚能枉駕

一作顧

家醞復新開落日池上酌清風松下

來廚人具雞黍稚子摘楊梅誰道山公醉猶能騎馬回

春中喜王九相尋

一題作晚春

二月湖水清家家春鳥鳴  
林花掃更落徑草踏還生  
酒伴來相命開尊共解酲  
當杯已入手歌妓莫停聲

李氏園林臥疾

我愛陶家趣園林無俗情  
春雷百卉坼寒食四鄰清  
伏枕嗟公幹歸山一作田羨子平  
年年白社客空滯洛陽城

過故人莊

故人具雞黍邀我至田家  
綠樹村邊合青山郭外斜  
開筵面場圃把酒話桑麻  
待到重陽日還來就菊花

張七及辛大見尋南亭醉作

一作張七及辛大見訪

山公能飲酒居士好彈箏  
世外交初得林中契已并  
納涼風颭至逃暑日將傾  
便就南亭裏餘尊惜解醒

歲暮歸南山

一題作歸故園作一作歸終南山

北闕休上書南山歸敝廬  
不才明主棄多

一作臥

病故人

疎白髮催年老

一作去

青陽逼歲除永懷愁不寐

一作寢

松

月夜窗

一作堂

虛

南山下與老圃期種瓜

樵牧南山近林間北郭賒先人留素業老圃作鄰家不  
種千株橘惟資五色瓜邵平能就我開徑剪一作蓬麻

泝江至武昌

家本洞湖

一作庭

上歲時歸思催客心徒欲速江路苦遭

回殘凍因風解新正度

一作梅變

臘開行看武昌柳髣髴映

樓臺

舟中曉

一作晚

望

挂席東南望青山水國遙舳舻爭利涉來往接一作任風

潮問我今何去

一作通

天台訪石橋坐看霞色曉

一作晚

疑

是赤城標

自洛之越

皇皇三十載書劍兩無成  
山水尋吳越風塵厭洛京  
扁舟泛湖海長楫謝公卿  
且樂杯中物一作酒誰論世上名

途中遇晴

已失巴

一作武

陵雨

一作五陵道

猶逢蜀坂泥天開斜景遍

山出晚雲低餘濕猶霑草殘流尚入溪  
今宵有明月鄉

思遠悽悽

歸至郢中

遠遊經海嶠返櫂歸山阿日夕見喬木鄉關一作園在一作

成伐柯愁隨江路盡喜一作意入郢門多左右看桑土依

然即匪他

夕次蔡陽館

日暮馬行疾城荒人住稀聽歌知一作疑近楚投館忽如

歸魯堰田疇廣章陵氣色微明朝拜嘉一作家慶須著老

萊衣

他鄉七夕

他鄉逢七夕旅館益羈愁不見穿鍼婦空懷故國樓緒  
風初減熱新月始臨一作登秋誰忍窺河漢迢迢問一作望

斗牛

夜泊牛渚趁薛八船不及

星羅牛渚夕風退鷁舟遲浦淑嘗同宿煙波忽間之榜  
歌空裏失船火望中疑明發泛潮一作湖海茫茫何處期



曉入南山

瘴氣曉氤氲南山復

一作沒

水雲鯤飛今始見鳥墮舊來

聞地接長沙近江從汨渚分賈生曾弔屈予亦痛斯文

夜渡湘水

一作崔國輔詩

客舟

一作行

貪利涉閤

一作夜

裏渡湘川露氣聞芳杜歌聲

識采

一作暗

蓮榜人投岸火漁子宿潭煙行侶時

一作遙

相

問潯

一作潯

陽何處邊

赴京途中遇雪

迢遞秦京道蒼茫歲暮天窮陰連晦朔積雪滿一作通山

川落雁迷沙渚饑鳥集一作噪野田客愁空佇立不見有

人煙

途次一作落日望鄉

客行愁落日鄉思重相催況在他山外天寒夕鳥來雪

深迷郢路雲暗失陽臺可歎悽惶一作栖遲子高一作狂又作勞歌

誰為媒

永嘉上浦館逢張八子容一作題作永嘉浦逢張子容客卿

逆旅相逢處江村日暮時衆山遙對酒孤嶼共題詩解  
宇鄰鮫室人煙接島夷鄉園一作關萬餘里失路一相悲

宿武陽

一作陵

卽事

一作宿武陽川

川暗夕陽盡孤舟泊岸初嶺猿相叫嘯潭嶂一作影似空

虛就枕滅明燭扣舷聞夜漁雞鳴問何處人物是秦餘

渡揚子江

桂檝

一作挂席

中流望京江

一作空波

兩畔明林開揚子驛山出

潤州城海盡邊陰靜江寒朔吹生更聞楓葉下浙瀝度

秋聲

田家元日

昨夜斗回北今朝歲起東我年已強仕無祿尚憂

一作惟尚

農桑野就耕父

一作野老就耕去

荷鋤隨牧童田家占氣候共

說此年豐

九日得新字

初九

一作九日

未成旬重陽即此晨登高聞古

一作尋故

事載酒

訪幽人落帽恣歡飲授衣同試新茱萸正可佩折取寄

情親

除夜樂城逢張少府

雲海泛

一作訪

甌閩風潮

一作濤

泊島濱何知歲除夜得見

故鄉親子是乘槎客予為失路人平生復能幾一別十  
餘春

歲除夜會樂城張少府宅

疇昔通家好相知

一作思

無間然續明催畫燭守歲接長

筵舊曲梅花唱新正柏酒傳客行隨處樂不見度年年

寒夜

閨夕綺窗閑佳人罷縫衣理琴開寶匣就枕臥重

一作羅

幃夜久燈花落薰籠香氣微錦衾重自煖遮莫曉霜飛

賦得盈盈樓上女

夫壻久離別青樓空望歸妝成卷簾坐愁思嬾縫衣燕

子家家入楊花處處飛空牀難獨守誰為報

一作解

金徽

春意

一題作春怨

佳人能畫眉妝罷出簾帷照水空自愛折花將遺誰春

情多豔逸春意倍相思愁心極楊柳一種亂如絲

閨情

一別隔炎涼君衣忘短長裁縫無處等以意忖情量畏  
瘦疑傷窄防寒更厚裝半啼封裹了知欲寄誰將

美人分香

豔色本傾城分香更有情髻鬟垂欲解眉黛拂能輕舞  
學平陽態歌翻子夜聲春風狹斜道含笑待逢迎

傷峴山雲表觀主

少小學書劍秦吳多歲年歸來一登眺陵谷尚依然豈  
意餐霞客一作忽隨朝露先因之問閭里把臂幾人全

題梧州陳司馬山齋

一作宋問詩

南國無霜霰連年對物華青林暗換葉紅藥亦開花春  
去無山鳥秋來見海槎流芳雖可悅會自泣長沙

歲除夜有懷

一作除夜題作

迢遞三巴路羈危萬里身亂山殘雪夜孤燭異鄉人漸  
與骨肉遠轉於奴僕親那堪正飄泊來日歲華新



登安陽城樓

縣城南面漢江流江漲

一作嶂

開成南雍州才子乘春來

騁望羣公暇日坐銷憂樓臺晚映青山郭羅綺晴驕

一作

嬌綠水洲向夕波搖明月動更疑神女弄珠遊

登萬歲樓

萬歲樓頭望故鄉獨令鄉思更茫茫天寒雁度堪垂淚

日一作月

落猿啼欲斷腸曲引古堤臨凍浦斜分遠岸近

枯楊今朝偶見同袍友却喜家書寄八行

除夜有懷

五更鐘漏欲相催，四氣推遷往復回。  
帳裏殘燈纔去，一作猶燭爐中香氣盡成灰。  
漸看春逼芙蓉枕，頓覺寒銷竹葉杯。  
守歲家家應未臥，相思那得夢魂來。

春情一作晴

青樓曉日色，一作珠簾映紅粉春妝寶鏡催。  
已厭交歡憐枕席，相將遊戲繞池臺。  
坐時衣帶縈纖草，行即裙裾掃落梅。  
更道明朝不當作，相期共鬪管絃來。

長安早春

一作張  
子容詩

關戍

一作  
開國

惟東井

一作  
漢

城池起北辰  
咸歌太平日  
共樂

建寅春雪盡  
青山樹水開  
黑水濱  
草迎金埒馬  
花伴玉

樓人鴻漸看  
無數鶯歌聽  
欲頻何當遂  
榮一作  
桂枝擢歸及

柳條新

荆門上張丞相

共理分荆國  
招賢媿不材  
召南風更闡  
丞相閣還開  
觀止欣眉睫  
沈淪拔草萊  
坐登徐孺榻  
頻接李膺杯  
始慰

蟬鳴柳

一作  
稿

俄看雪間梅四時年籥盡千里客程催日

下瞻歸翼沙邊厭曝鰓佇聞宣室召星象列三台

一作  
復中

台

陪張丞相登荆城樓因寄薊州

一作  
蘇臺

張使君及

浪泊戍主劉家

薊門天北畔銅柱日南端出守聲彌遠投荒法未寬側

身聊倚望攜手莫同歡白壁無瑕玷青松有歲寒府中

丞相閣江上使君灘興盡回舟去方知行

一作  
茲

路難

陪張丞相祠紫蓋山途經玉泉寺

望秩宣王命，齋心待漏行。  
青衿列冑子，從事有參卿。  
五馬尋歸路，雙林指化城。  
聞鐘度門近，照膽玉泉清。  
阜蓋依松憩，緇徒擁錫迎。  
天宮上兜率，沙界豁迷明。  
欲就終焉志，恭一作先聞智者名。  
人隨逝水沒，一作歎波一作山逐覆生。

陪張丞相自松滋江東泊渚宮

放溜下松滋登舟命機師詎

一作寧

忘經濟日不憚冱寒

時洗憤豈獨古濯纓良在茲政成人自理機息鳥無疑

雲物凝

一作吟

孤嶼江山辨四維晚來風稍急

一作緊

冬至

日行遲獵響驚雲夢漁歌激楚辭渚宮何處是川暝欲安之

和張

一作趙

判官登萬山亭因贈洪府都督韓

公

韓公是

一作美

襄士

一作土

日賞城西岑結構意不淺巖潭

趣轉

一作亦

深皇華一動詠荆國幾謠

一作盛謠

吟舊徑蘭勿

剪新堤柳欲陰砌傍餘怪石沙上有閒禽自牧豫章郡  
空瞻楓樹林因聲寄流水善聽在知音耆舊眇不接崔  
徐無處尋物情多貴遠賢俊豈無一作遙今遲爾長江暮  
澄清一洗心

和宋太史

一作大使

北樓新亭

返耕意未遂日夕登城隅誰道

一作謂

山林近坐為符竹

拘麗譙非改作軒檻是新圖遠水自嶓冢長雲吞具區

願隨

一作爲

江燕賀羞逐府僚趨欲識狂歌者

一作客

丘園

一豎儒

贈蕭少府

上德如流

一作流如

水安仁道若山聞君秉高節而得奉清

顏鴻漸昇儀羽牛刀列下班處腴能不潤居劇體常閒

去詐

一作許

人無謫除邪吏息姦欲知清與潔明月照

一作

在澄灣

秦中苦雨思歸贈袁左丞賀侍郎



苦

一作爲

學三十載閉門江漢陰用賢遭聖日

一作明  
逢聖代

羈旅屬秋霖豈直昏墊苦亦爲權勢沈二毛催白髮百  
鎰罄黃金淚憶峴山墮愁懷湘水深謝公積憤懣莊舄  
空謠吟躍馬非吾事狎鷗宜一作真我心寄言當路者去  
矣北山岑

同張明府碧溪贈答

別業聞新製同聲和者多還看碧溪答不羨綠珠歌自  
有陽臺女朝朝拾翠過綺筵

一作舞庭

鋪錦繡妝牖閉藤蘿

秩滿休閒日春餘景氣

一作色

和仙鳧能作伴羅襪共凌

波曲

一作別

島尋花樂回潭折菱荷更憐斜日照紅粉豔

青娥

久滯越中貽謝南池會稽賀少府

陳平無產業尼父倦東西負郭昔云翳問津今亦已

一作

迷未能忘魏闕空此滯秦稽兩見夏雲起再聞春鳥啼

懷仙梅福市訪舊若耶溪聖主賢為寶君

一作卿

何隱遯

棲

送韓使君除洪州都曹

韓公父常為襄州使

述職撫荆衡分符襲寵榮往來看擁傳前後賴專城勿

翦棠猶在波澄水更清重推江漢理旋改豫章行召父

多遺愛羊公有令名衣冠列祖道耆舊擁前旌

一作峴

首晨風送

一作接

江陵夜火迎無才慙孺子千里媿同聲

送莫甥兼諸昆弟從韓司馬入西軍

念爾習詩禮未曾違

一作常離

戶庭平生早偏露

一作嚴君先早露

萬里更飄零坐棄三牲養

一作業

行觀八陣形飾裝辭故

里謀策赴邊庭壯志吞鴻鵠遙心伴鵲鵲所從文且一作  
與武不戰自應寧

峴山送蕭員外之荊州

峴山江岸曲郢水郭門前自古登臨處非今獨黯然亭  
樓明落照一作日井邑秀通川澗竹生幽興林風入管絃

再飛鵬激水一舉鶴冲天佇立三荆使看君駟馬旋

送王昌齡之嶺南

洞庭去遠近楓葉早驚一作經秋峴首羊公愛長沙賈誼

愁土毛

風一作

無鰓紆鄉味有槎

一作查

頭已抱沈痼

一作疴

疾更貽魑魅憂數年同筆硯  
茲夕間

一作異

衾裯意氣今

何在相思望斗牛

峴山送張去非遊巴東

一題作峴山亭送朱大

峴山南郭外送別每登臨沙岸江村近松

一作村

門山寺

深一言予有贈三峽爾將

一作相

尋祖席宜城酒征途雲

夢林蹉跎遊子意眷戀故人心去矣勿淹滯巴東

一作江

猿夜吟

奉先張明府休沐還鄉海亭宴集

探得堦字

自君理畿甸予亦經江淮  
萬里書信斷數年雲雨乖  
歸來休澣日始得賞心諧  
朱紱恩雖重滄洲趣每懷  
樹低新舞閣山對舊書齋  
何以發秋興陰蟲鳴夜堦

宴張記室宅

甲第金張館門庭車

一作軒

騎多家封漢陽郡文會楚材

過曲島浮觴酌前山  
八詠歌妓堂花映發書閣柳逶迤

玉指調箏柱金泥飾舞羅寧

一作誰

知書劒者歲月獨蹉

跼

宴崔明府宅夜觀妓

畫堂

一作書室

觀妙妓長夜正留賓燭吐蓮花豔妝成桃李

春髻鬟低舞席衫袖掩歌脣汗濕偏宜粉羅輕詎著身  
調移箏柱促歡會酒杯頻倘使曹王見應嫌洛浦神

盧明府九日峴山宴表

一作馬

使君張郎中崔員

外

宇宙誰開闢江山此鬱盤登臨今古用風俗歲時觀地

理荊州分天涯楚塞寬百城今刺史華省舊郎官共美  
重陽節俱懷落帽歡酒邀彭澤載琴輟武城彈獻壽先  
浮菊尋幽或藉蘭煙虹鋪藻翰一作麗松竹挂衣冠叔子  
神如在山公興未闌傳一作常聞騎馬醉還向習池看

登龍興寺閣

閣道乘空出披軒遠目開遙遙見江勢客至屢緣回  
絃郡何堪委遙山復幾哉蒼蒼皆草木處處盡樓臺  
驟雨一陽散行舟四海來鳥歸餘興遠周覽更裴回



登總持寺浮圖

半空躋寶塔晴望盡京華竹遶渭川遍山連上苑斜四

門

一作  
部

開帝宅阡陌俯人家累劫從初地為童憶聚沙

一窺功德見彌益道心加坐覺諸天近空香送一作  
逐落

花

一無一窺功  
德見二句

與崔二十一遊鏡湖寄包賀二公

試覽鏡湖水中流到

一作  
見

底清不知鱸魚味但識鷗鳥

情帆得樵風送春逢穀雨晴將探

一作  
特尋

夏禹穴稍背越

王城府

一作守

掾有包子文章推賀生滄浪醉後唱因此

寄同聲

夜登孔伯昭南樓時沈太清朱昇在座

誰家無風月此地有琴尊山水會稽郡詩書孔氏門再

來值秋杪高閣夜

一作閒

無喧華燭罷然蠟清絃方奏鵾

沈生隱侯胤朱子買臣孫好我意不淺登茲共

一作同

話

言

陪盧明府泛舟回

一有峴山二字作

百里行春返清流逸興多鷁舟隨雁泊

一作鳥沒

江火共星

羅已救田家旱仍醫

一作憂

俗化訛文章推後輩風雅激

頽波高岸迷陵谷新聲滿擢歌猶憐不才子

一作調者

白首

未登科

臘月八日於剡縣石城寺禮拜

石壁開金像香山倚

一作繞

鐵圍下生彌勒見回向一心

歸竹柏

一作松竹

禪庭古樓臺世界稀夕嵐增氣色餘照發

光輝講席邀談柄泉堂施浴衣願承功德水從此濯塵

機

同獨孤使君東齋作

郎官舊華省天子命分憂  
襄土歲頻旱隨車雨再流  
雲陰自南楚河潤及東周  
解宇宜新霽田家賀有秋  
竹間殘照入池上夕陽浮  
寄謝東陽守何如八詠樓

同王九題就師山房

晚憩支公室故人逢右軍  
軒窗避炎暑翰墨動新文  
竹

菽一作開

簷前

一作窗裏

日雨隨階下雲周

一作同

遊清陰徧吟

臥夕陽曛江靜櫂歌歇溪深樵語聞歸途未忍去攜手  
戀清芬

冬至後過吳張二子檀溪別業

卜築因自然檀溪不更穿園廬二友接水竹數家連直

與

一作取

南山對非關選地偏

一本此下有卜鄰依孟母共井讓王宣曾是歌三樂

仍聞詠五篇四句

草堂時偃曝蘭枻

一作棹

日周旋外事情都遠

一作遣

中流性所便閒垂太公釣興發子猷船余亦幽棲

者經過竊慕焉梅花殘

一作初

臘月

一作日

柳色半春天鳥

泊隨陽雁魚藏縮項鰱停杯問山簡何似習池邊

韓大使東齋會岳上人諸學士

郡守虛陳榻林間召楚材山川祈雨畢雲

一作品

物喜晴

開抗禮尊縫掖臨流揖渡杯徒攀朱仲李誰

一作史

薦和

羹梅翰墨緣情製高深以意裁滄洲趣不遠何必問蓬萊

上巳日澗南園期王山人陳七諸公不至

搖艇候明發花源弄晚春在山懷綺季臨漢憶荀陳上

已期三月浮杯興十旬坐歌空有待行樂恨無鄰日晚

蘭亭北煙開

一作花

曲水濱浴蠶逢姹女采艾值幽人石

壁堪題序沙場好解紳

一作神

羣公望不至虛擲此芳辰

### 齒坐呈山南諸隱

習公有遺坐高在白雲陲樵子不見識山僧賞自知以  
余為好事攜手一來窺竹露閒夜滴松風清晝吹從來  
抱微尚况復感前規於此無奇策蒼生奚以為

來

一作本

閣黎新亭作

八解禪林秀  
三明給苑才  
地偏香界遠  
心淨水亭開  
傍險山查立  
尋幽石逕回  
瑞花長自下  
靈藥豈須栽  
碧網交紅樹  
清泉盡綠苔  
戲魚聞法聚  
閒鳥誦經來  
棄象玄應悟  
忘言理必該  
靜中何所得  
吟詠也徒哉

西山尋辛諤

漾舟尋

一作乘

水便因訪故人居  
落日清川裏  
誰言獨羨

魚石潭窺洞  
徹沙岸歷紆徐  
竹嶼見垂釣  
茅齋聞讀書  
款言忘景夕  
清興屬涼初  
回也一瓢飲  
賢哉常晏如



題長安主人壁

久廢南山田

一作謬

陪東閣賢欲隨平子去猶未獻甘

泉枕籍

一作席

琴書滿褰帷遠岫連我來如昨日庭樹忽

鳴蟬促織驚寒女秋風感長年授衣當九月無褐竟誰憐

行出東山望漢川

一題作行至漢川作

異縣非吾土連山盡綠篁平田出郭少盤坂入雲長萬

壑歸於漢

一作海

千峰劃彼蒼猿聲亂楚峽人語帶巴鄉

石上攢椒樹藤間綴

一作養

蜜房雪餘春未煖嵐解晝初

陽征馬疲登頓歸帆愛渺茫坐欣沿溜下信宿見維

一作

浮桑

夜泊宣城界

一題作旅行  
欲泊宣州界

西塞沿江島南陵問驛樓湖平津濟濶風止客帆收去

去懷前浦茫茫泛夕流石逢羅剎礙山泊敬亭幽火識

一作熾

梅根冶煙迷楊葉洲離家復水宿相伴賴沙鷗

下瀨石

瀟石三百里沿洄千嶂間沸聲常活活

一作浩浩

洄勢亦潺

潺跳沫魚龍沸垂藤猿猱攀榜人苦奔峭而我忘險艱

放溜情彌

一作深

愜

一作遠

登艫目自閒暝帆何處宿

一作泊

遙指落星灣

初年樂城館中臥疾懷歸作

異縣天隅僻孤帆海畔過往來鄉信斷留滯客情多臘

月聞雷震東風感歲和蟄蟲驚戶穴巢鵲晒庭柯徒對

芳尊酒其如伏枕何歸歟

一作來

理舟楫江海正無波

醉後贈馬一作高四

四海重然諾吾嘗聞白眉秦城遊俠客一作窟相得半酣

時

贈王九題上一有口號二字

日暮田家遠山中勿久淹歸人須早去稚子望陶潛

登峴山亭寄晉陵張少府

峴首風湍急雲帆若鳥飛憑軒試一問張翰欲來歸

送朱大入秦

遊人五陵去寶劍直千金分手脫相贈平生一片心

送友人之京

君登青雲去予望青山歸雲山從此別淚濕薜蘿衣

送張郎中遷京

碧溪常共賞朱郎忽遷榮豫有相思意聞君琴上聲

同張將薊門觀燈

異俗非鄉俗新年改故年薊門看火樹疑是燭龍然

張郎中梅園中

一作

綺席鋪蘭桂珠盤折菱荷故園留不住應是戀絃歌

北澗泛舟

北澗流恒滿浮舟觸處通沿洄自有趣何必五湖中

春曉

春眠不覺曉處處聞啼鳥夜來風雨聲花落知多少

一作

欲知昨夜風  
花落無多少

洛中訪袁拾遺不遇

洛陽訪才子江嶺作流人聞說梅花早何如北

一作地

春

尋菊花潭主人不遇

行至菊花潭村西日已斜主人登高去雞犬空在家

檀溪尋故人

一題作檀溪尋古

花伴

一作苑半

成龍竹池分躍馬溪田園人不見疑向洞中

棲

一作武陵迷

楊子津望京口

北固臨京口夷山近

一作對

海濱江風白浪起愁殺渡頭

人

同儲十二洛陽道中作

珠彈繁華子金羈遊俠人  
酒酣白日暮走馬入紅塵

初下浙江舟中口號

八月觀潮

一作濤

罷三江越海潯回瞻魏闕路空

一作無

復

子牟心

宿建德江

移舟泊煙

一作幽

渚日暮客愁新野曠天低樹江清月近



人

問舟子

向夕問舟子前程復

一作無

幾多灣頭正堪

一作好

泊淮裏

足風波

戲題

一作戲贈主人

客醉眠未起主人呼解醒已言雞黍熟復道

一作說

甕頭

清

涼州詞

渾成紫檀金屑文  
作得琵琶聲入雲  
胡地迢迢三萬里  
那堪馬上送明君

異方之樂令人悲  
羌笛胡笳不用吹  
坐看今夜關山月  
思殺邊城游俠兒

送新安張少府歸秦中

一題作越中  
送人歸秦中

試登秦嶺

一作望

秦川遙憶青門春  
可憐仲月送君從

此去瓜時須及邵  
平田

送杜十四之江南

一無題下三字  
一題作送杜晃進士之東吳

荆吳相接水為

一作連

鄉君去春江

一作江村

正淼茫日暮征

帆何處泊

一作泊何處

天涯一望斷人腸

渡浙江問舟中人

一作題作濟江問同舟人一作崔國輔詩

潮落江平未有風扁舟

一作舫

共濟與君同時時引領望

天末何處青山是越中

初秋

不覺初秋夜漸長清風習習重淒涼炎暑退茅齋靜  
堦下叢莎有露光

過融上人蘭若

山頭

一作間

禪室挂僧衣窗外無人水

一作溪

鳥飛黃昏半

在下山路却聽泉聲戀翠微

句

句

微雲淡河漢疎雨滴梧桐

王士源云浩然常閒遊秘省秋月新霽諸英聯詩次當浩

然云云舉坐嗟其清絕不復為綴

逐逐懷良馭蕭蕭顧樂鳴

省試驕長鳴詩見

丹陽集

御定全唐詩卷一百六十